

անորոշ մի Սօլվայք նրան նշան էր արել եւ բըլուրի ետեւ իջնող արեւի հետ երգել:

Գեղամը ապրում էր մեղմ սքանչացումի մէջ, լուռօրէն երազուն:

Նա սիրում էր արուեստը մեծ երկիւղածութեամբ, մտքի ազնուականութեան յատուկ սրբութեամբ, ինչպէս անկեղծ վանականները սիրում են մաղօծնայի յիշատակը եւ թախանձագին պաշտում նրա ներշնչումը:

Նրա շարժումները մէջ զսպուած, ժուժկալ մի բան կար, վերին աստիճանի համակրելի եւ, ներքին, ամփոփուած բարոյականը բնորոշող:

Ինչպէս իսկական բոլոր բանաստեղծները, նա արուեստը համարում էր նախախնամական մի լուծ, մեծ վիշտ եւ զրկանք, անէծք: Ուստի եւ զայրանում էր, ատում էր խորապէս նըրանց, որոնք շնացումի գիտակից սրբապղծութեամբ գրականութեան մօտենում էին թեթեւօրէն, լրբացած, «մարմնեղծումի» փողոցային սուլոցով:

Փարիզի իր թշուառ այցելութիւնից նա բերել էր Լիւքսեմբուրգի պարտէզի աշնանային տերեւաթափի տրտմութիւնը, Վերլէնի սրսբփուն տողերի հմայքը, Բօդլերի, դժբախտ այդ ազնուականի, երգի դաժանութիւնը եւ նոր բանաստեղծութեան անզուսպ թեւաւորումի ոսկէ յիշատակը:

Գեղամի աղքատութեան մէջ ազնուական թափթփածութեան կար: Ոսկեայ ակնոցներ, սեւ զգեստ, չարչարուած կօշիկների վրայ հինցած դէտրներ: Սէրը դէպի սրճարանը, ուր կարելի է գրականութիւնից խօսել: Ատելութիւնը դէպի Բուրժուան փարիսեցիները եւ միակողմանի կուսակցականը: Լաւ ծիծաղ ունէր՝ բարի եւ պոռտկուն: Հաւատաւորի միամտութիւն եւ անկեղծութիւն:

Զսպում էր թափը: Իր երկիւղածութիւնը դէպի արուեստը այնքա՞ն մեծ էր, որ չէր յանդնում գրել, ինչպէս կարող էր: Միշտ պատրաստուում էր: Մեծ էր տեսնում եւ լայն էր երեւակայում. վախում էր:

«Մեհեանի» բոլոր սրբազրութիւնները նա էր անում եւ ի՞նչպիսի սիրով: Յօդուածների շուրջը վիճարանում, տպարան վազում, նորանոր ոգեւորութիւնների աղբիւրներ ստեղծում: Հաւատում էր: Անթիւ թշնամիների դէմ պայ-

քարելու ժամանակ չարքերում տեղ էր բռնում. իմաց էր տալիս հակառակորդների ծածուկ քայլերի մասին, կեղծ բարեկամների ոտնձգութիւնների մասին:

Հաւատում էր:

Գաւառի բանիմաց երիտասարդութիւնը մեղ հետ էր: Հեռաւոր քաղաքներում մեր գաղափարների շուրջը կռիւններ էին տեղի ունենում: Բթամիտ տեսուչներ որոշ դպրոցներում արգելած էին մեր թերթը: Յայտնի գրականագէտներ երկիւղով էին նայում մեզ, խորապէս ատում էին եւ չէին համարձակում արտայայտուել: Յաղթութիւնը մօտ էր:

Մօտ էր:

Գեղամ Բարսեղեանը իր ոսկեայ ակնոցներով եւ կեղտոտ դէտրներով անապատների կիզիչ աւազների վրայ քայլեց եւ ո՞վ դիտէ ինչ դաժան մահով մեռաւ:

Եւ երբեք չմօտեցաւ իր երազած Սօլվայքին, որը նրան նշան էր արել եւ բլուրի ետեւ իջնող արեւի հետ երգել:

* * *

Այսօր, նորից փորձեր ենք անում: Մոխիրների տակից հայ ոգու չմարած ածուխների կտորներ ենք ժողովում: Աղքատ դիւղացի կանանց նման հնձուած ցորենի դաշտից՝ նիհար հասկեր ենք որոնում:

«Բարձրալանք» — ինքնամփոփումի փորձ: Այրուող անտառի մէջ՝ դիտարան: Նայում ենք:

Մարած հրդեհի փլատակների տակ ջրակոյաներ են մնացել եւ գորտեր են ծնուել: Փոքրամիտ դրչակներ, լաւադոյնների մահից յետոյ, այլեւս անզուսպօրէն լրբացած, Ստամբուլից մինչեւ Պերա, ունում են: Դեռ դիակի հոտ է գալիս: Վարնոց սրճարաններից, հարած մարդիկ, դուրս են փսխում, այլեւս անապագայ այս աշխարհը:

Ամէն ինչ մեհնում է:
* * *

Ասում են Անատոլիում յոյների եւ թրքերի միջեւ կատաղի կռիւններ են տեղի ունենում:

Յոյները յաղթում են:
* * *

«Արուեստի Տունը» ներքին վէճերով է գրադուած:

Յ. Թումանեանի թէյասեղանի արգիւն-